

Domprovstimik nutaamik 2009/2010-mi toqqaanissamut atatillugu ilitsersuut

Inatsisitigut tunngaviit: Ilageeqarneq pillugu Inatsisartut peqqussutaat nr. 15, 28. oktober 1993-imeersaq, Ilagiinni atorfinitsitsisarnerit pillugit Inatsisartut peqqussutaat nr. 8, 30. oktober 1998-imeersaq kingusinnerusukkat allangortinneqartoq Inatsisartut peqqussutaatigut nr. 11, 21. maj 2002 (provstinik atorfinitsitsisarnerit), Palasinik atorfinitsitsinernut il.il. ilagiit sinniisaasa peqataatinneqartarnerat pillugu Namminersornerullutik Oqartussat nalunaarutaat nr. 38, 29. december 1998-imeersaq. Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat nr. 21, 18. december 2003-meersaq.

Ilitsersuut tunniunneqarpoq atorfiup 31. marts 2010-miit inuttaarunneranut atatillugu. Piffissami 20. januar 2010-imiit 2010-mi martsip qaammataata naanerata tungaanut maannakkut domprovstiusoq sulinngiffeqassaaq.

Atorfik provstitut atorfiuvoq Inatsisartullu peqqussutaata nr. 15, 28. oktober 1993-imeersup § 6, imm. 2-a malillugu taaguutigalugu *domprovsti*. Provsteqarfimmut ilaapput Qeqqa, Tunu Qaanaarlu. Domprovsti domkirkemi (Annaasisitta Oqaluffia) aalajangersimasumik palasiuvoq Biskoppimullu taartaasartuulluni.

Atorfik tjenestemandit atorfivoq, qinnuteqartunullu tjenestemandit atorfeqareersunut 01. april 2008-mi lønramme 38 (skalatin 51)-miilluni. 01. april 2009-miit tunngaviusumik qaammammusiarineqassapput kr. 32.786,81 (qaammammoortumillu) immikkut tapiutaapput kr. 4.576,22 (sats 90) tamanullu tunngatillugu qaammammut tapiullutik kr. 2.225,14 (sats 63). Ukiumut aningaasarsiat tamarmiusut 01. april 2009-mi **kr. 475.058,04**. Qinnuteqartunik tjenestemandit atorfeqariinngitsunik atorfinitsitsineq pissaaq Namminersorlutik Oqartussat ASG-mik (tjenestemandituunngitsoq atorfinitsitsinerit) isumaqatigiissummi atugassarisatut aalajangersarneqartut malillugit.

Atorfik inuttaleneqassaaq erseqqinnerusumik isumaqatigiissuteqarneq malillugu, taamaattoq 01. april 2010-miit kingusinnerusukkuunngitsoq. Inuttassarsiuissut atorfiullu erseqqinnerusumik nassuiarneqarnera suliarineqareerput.

Domprovstimik nutaamik toqqaanerup ingerlarnga arlalinnik immikkoortoqarpoq taakkulu Ilitsersuummi maleqqissaarneqarput. Imaappullu:

Kap. 1. Domprovstitut atorfiup inuttassarsiorneqarnera

Kap. 2. Domprovstitut atorfimmut qinnuteqarneq

Kap. 3. Qinnuteqaatit tiguneqarsimasut pillugit Ilagiit sinniisaasa oqaaseqaateqarnerat

Kap. 4. Qinnuteqaatit tiguneqarsimasut pillugit Biskoppip oqaaseqaateqarnera

Kap. 5. Kia atorfimmi atorfinitsinneqarnissaa pillugu Naalakkersuisut aalajangiinerat

Ilitsersuut sammitinneqarpoq qinnuteqartunut, ilagiit sinniisaannut (matumanittaaq palasinut provsteqarfimmilu ajoqinut sulisuunut) kiisalu Namminersorlutik Oqartussat qitiusumik allaffeqarfiannut.

Kap. 1

Domprovstitut atorfiup inuttassarsiorneqarnera

- 1.0.** Atorfiup inuttassarsiorneqarnera Biskoppimit 2009-mi oktoberip naalernerani sulliarineqassaaq, akuersissutigineqassallunilu Ilageeqarnermut Naalakkersuisoqarfimmit (KIIIN) aamma ASA-mit kingusinnerpaamik 05. november 2009.
- 2.0.** Atorfiup inuttassarsiorneqarnera akuersissutigineqartoq Biskoppeqarfiup qarasaasiakkut nittartagaatigut aamma Danmarkimi Præsteforeningip atuagassiaanni Biskoppip sulissutiginninneratigut pissaaq.
- 3.0.** KIIIN-ip sulissutigissavaa atorfiup inuttassarsiorneqarnerata akuersissutigineqartup www.nanoq.gl aammalu AG-mi Sermitsiaq-milu nalunaarutigineqarnissaa.
- 4.0.** Atorfiup inuttassarsiorneqarnerani qinnuteqarnissamut killiliussaq kingusinnerpaamik 20. november 2009-mi pisussanngorneqassaaq.
- 5.0.** Qinnuteqaatit nassiunneqassapput Ilageeqarnermut Naalakkersuisoqarfimmut (KIIIN). Postboks 1029, 3900 Nuuk.
- 6.0.** Qinnuteqaatit ullormit tassangga kingusinnerusukkut tiguneqartut naatsorsuutigineqassanngillat.
- 7.0.** KIIIN-ip qinnuteqaatit piffissaq eqqorlugu tiguneqarsimasut nuutinneri qinnuteqaammullu ilanngussat Biskoppimut kingusinnerpaamik 01. december 2009 nassitissavai.
- 8.0.** 2009-mi *novemberip* ingerlanerani ilagiit sinniiseqarfiisa kalluarneqartut inassuteqaateqassalluni ataatsimiinnissaat taakku toqqaannartumika Ilaffigalugit ullulissavaa. Inassuteqaateqassalluni ataatsimiinnerit ingerlanneqarnissaasa malissavaat kap. 3.

Kap. 2

Domprovstitut atorfiup qinnuteqaatigineqarnera

- 9.0.** Domprovstitut atorfik kikkunnilluunniit Kalaallit Nunaanni Ilagiinni palasitut atorfinitsinneqarnissamut inatsisitigut pissutissaatitaasunik eqquutsitsisunit qinnutigineqarsinnaavoq.
- 9.1.** Taamaattumik atorfik Kalaallit Nunaanni Ilagiinni palasinit maannakkut siusinnerusukkulluunniit imaluunniit aamma Den danske Folkekirkemi sulisunit maannakkorpiaq atorfeqarfigisaat apeqqutaatinnagu qinnutigineqarsinnaavoq.
- 9.2.** Tamaattumik atorfik aamma inunnit Ilisimatusarfimmi upperisarsiornermi bacheloritut ilinniarsimasunit kingornalu kingusinnerpaamillu atorfinitsitaanerup aallartinnerata nalaani Den danske Folkekirkkep ataani palasip suliassaanik ilisimatusarnermik naammassinnissimasunit qinnutigineqarsinnaalluni.
- 9.3.** Taamaattumik atorfik aamma inunnit upperisarsiornermi danskisut kandidatitut imaluunniit upperisarsiornermi immikkut ilinniarnermik Naalakkersuisut aallartitissimasaanni soraarummeersimasunit kingornalu palasip suliassaanik ilisimatusarnermik ilinniarnermi naammassinnissimasunit qinnutigineqarsinnaalluni.

9.4. Qinnuteqartut Den danske Folkekirkemi ilaasortaassapput marluinnillu oqaaseqartuussallutik (kalaallisut /danskisut).

9.5. Atorfik aallaavittut qinnutigineqarsinnaangilaq inunnit atorfinitsitaanerup aallartinnerata nalaani kingusinnerpaamilluunniit qaammatip naanerani 65-inik ukioqalereersimasunit.

10.0. Qinnuteqaat Ilageeqarnermut Naalackersuisoqarfimmut, Postboks 1029, 3900 Nuuk nassiunneqassaaq, Aqutsisoqarfimmiillu tiguneqareersimassalluni kingusinnerpaamik 20. november 2009. Qinnuteqaat aamma tunniunneqarsinnaavoq mail: kiin@gh.gl aqputigalugu.

10.1. Qinnuteqaammut ilaatinneqassapput soraarummeernernut angusiffigisimasanut uppersarsaatit naleqquttut, matumanittaaq pastoralseminariumimit uppersarsaat.

11.0. Qinnuteqaatit tiguneqartut qinnuteqarnissamut killiliussap naasimatsiarneratigut tamarmik allakkatigut mailikkulluunniit qinnuteqartunut toqqaannartumik Ilageeqarnermut Naalackersuisoqarfimmit uppersarsarneqassapput.

12.0. Atorfimmut qinnuteqartut toqqaanerup ingerlaneranut tunngasunik paasitinneqarnissartik naatsorsuutigisinnaangilaat innersuunneqassallutilli Iitsersuummut matumunnga kiisalu qinnuteqaatimik inenera pillugu immikkuutaarlutik allaganngorlugu Ilageeqarnermut Aqutsisoqarfimmit nalunaarfigneqarnissaminnik.

13.0. Qinnuteqartut peqatigiiffiillu ilaasortaata atorfimmut qinnuteqarsinnaatitaaqataasut piumasaqarnerisigut qinnuteqarnissamut piffissarititaasup naareerneratigut atorfimmut qinnuteqarsimasut tamarmik aqqinut nalunaarsuiffik tunniunneqarsumaarpoq.

13.1. Inuit ataasiakkaat pillugit paasissutissat suliarineqarnerat pillugu innersuutigineqassaaq Tjenestemandit pillugit inatsimmi § 7, paasissutissat taakku maleruagassaaq taanna malillugu tiguneqarsimasut pillugit.

Kap. 3

Qinnuteqaatit tiguneqarsimasut pillugit ilagiit sinniisaasa oqaaseqaateqarnerat

14.0. Qinnuteqaatit qinnuteqartunit Biskoppimit tiguneqareerunik, tak. imm. 7, provsteqarfimmi ilagiit sinniisaanni siulittaasunut susassaqtunut nassiunneqassapput.

14.1. Siluttaasut tigusinermik kinguinnguatiqut tigusaqarsimanertik pillugu ilagiit sinniisaanni ilaasortat allat ilisimatissavaat qinnuteqaatillu misissoqqissaarnissaannut periarfississallugit.

15.0. Biskoppip 2009-mi decemberip ingerlaneani provsteqarfimmi ilagiit sinniisaat ajornanngippat tamaasa ilisimatitsissuteqarluni ataatsimiisissavai.

16.0. Ilisimatitsissuteqarluni ataatsimiinnerni qinnuteqaatit tiguneqarsimasut misissuataarneqassapput.

17.0. Ilisimatitsissuteqarluni ataatsimiinnerup kinguinnguatiqut *inassuteqaateqarniarluni immikkut ataatsimiittoqassaaq*. Ataatsimiinnerit tunngavigisamikkut assigiinngitsut taakku marluk kinguleriisungartillugit ingerlanneqarsinnaapput. Inassuteqarniarluni ataatsimiinnermi ilagiit

sinniisaanni siulittaasoq taasinermi siulersuisoralugu allakkatigut isertortumik taasineq ingerlanneqassaaq.

17.1. Qinnuteqartuni pingasunit amerlanerusut taasinermi siullermi taaguunneqarsimappata qinnuteqartut akornanni pingasut amerlanerusunit taaguunneqarsimasut kisiisa taaneqarsinnaasunngorlugit taasinsoaqqissaaq.

17.2. Taasinerup inernerata inassuteqaateqarnissaaq assigaa Inenera allatorneqassaaq tullerriiarinngorlugu qinnuteqartoq amerlanerpaanit taaneqarsimasooq sallinngorlugu, tullerinneri malillugit. Qinnuteqartut arlallit amerlaqatigiinnit taaneqarsimappata tamanna nalunaarneqassaaq inassuteqaallu qinnuteqartut pineqartut akornanni naligiittutut isigineqassalluni.

17.3. Taasinerup inenera – inassuteqaat – ataatsimiinnermi aalajangiinnermut allattuiffimmut (imaqarniliaq) ilanngunneqassaaq taasivinnullu allaffigineqarsimasunut kiisalu inassuteqarniarluni ataatsimiinnermi pappiarat allat ilanngullugit allakkap puuanut ikineqassapput tammarnaviikkatullu Biskoppimut nassiunneqassallutik. Qinigassap aapparaa atortorineqarsimasut sumiiffimmi Biskoppimut tunniunneqarnerat.

17.4. Inassuteqaatip nuutinnera biskoppip allaffianut faxikkut (fax 32 10 61) nassiunneqassaaq kingusinnerpaamik inassuteqaateqarniarluni ataatsimiinnerup aqaguani.

18.0. Ilisimatitsissuteqarniarluni inassuteqarniarlunilu ataatsimiinnermi, 2002-ip kingorna, provsteqarfimmi (dom-)provstip suliffigisassaani ilagiit sinniisaannut qinigaasimasut.
Inatsisartut inatsisaanni nr. 11, 21. maj 2002-meersumi § 10-mi (1998-imi oqaasertaliunneqarsimasutorpiaq) atorneqarpoq oqaaseq: *_ oqaaseqaateqartinniarneqassapput _* provstimik atorfinitsitsineq pineqartillugu, oqaaserli *oqaaseqaateqartinneqassapput* palasimik atorfinitsitsineq pineqarpat, ilageeqarnermi inatsisit eqqarsaatigalugit matumani pingaaruteqanngilaq. Pisuni taakkunani marlunni periuseq assigiippoq, tassalu nalunaarutip kap. 2-3-vini taagorneqartut.

18.1. Oqaatsini *ilagiit sinniisaannut ilaasortassatut qinigaasimasut* atortillugu palasit ajoqillu ataatsimiinnermi taakkunani peqataanissamat mattussaapput naak (nalinginnaasumik) ilagiit sinniisaanni ilaasortaagaluarlutik (tak. § 23 Ilageeqarneq pillugu Inatsisartut inatsisaanni nr. 15, 28. oktober 1993-imeersumi).

[Biskoppip aamma ilagiit sinniisaannut ilaasortassatut qinikkat akornanni (ilisimatitsissuteqarniarluni) ataatsimiinnerneq pineqarmat pissutaavoq nalunaarutip Nr. 38-p 29. december 1998-imeersup § 10-at. Inassuteqaateqarniarluni ataatsimiinnermut pissutaavoq § 6. Tassani Inatsisartut inatsisaat aamma erseqqippoq. 1998-imi 2002-milu § 10-p oqaasertalerneqarpoq: *_ Ilagiit sinniisaannut ilaasortassatut qinigaasimasut...._*]

19.0. Immikkoortoq 18-i malillugu taasinerit atorsinnaasut paasiniarlugit ilagiit sinniisaasa taakkulu ilaasortaasa allattorsimaffii Biskoppimit suliarineqassaaq.

Kap. 4

Qinnuteqaatit tiguneqarsimasut pillugit Biskoppip oqaaseqaateqarnera

20.0. Ilisimatitsissuteqarniarluni ataatsimiinnerup kingorna provsteqarfimmi ilagiit sinniisaasa oqaaseqaataat tiguneqarsimasut Biskoppimit misissuataarneqassapput.

21.0. Biskoppip inassuteqaatigissavai ikinnerpaamik qinnuteqartut pingasut pingaarnersiorlugit tullerriiaakkat, matumani ilagiit sinniisaasa inassuteqaataat apeqquaatinnagit.

22.0. Biskoppip immikkoortut 20-21 malillugit oqaaseqaatit KIIIN-imut nassitutissavai 2009-mi decemberip qaammataata naanerani.

Kap. 5
Domprovstitutut atorfiup kimit inuttalernerqarnissaa
Naalackersuisunit aalajangiiffigineqarnera

23.0. Qinnuteqaatit tiguneqarsimasut akornanni kina atorfimmi atorfinitsinneqassanersoq Naalackersuisut toqqassavaat.

23.1. Qinnuteqartumik Biskoppip oqaaseqaataanni pineqartunut ilaanngitsumik atorfinitsitsineq pisinnaanngilaq apeqqut pillugu Biskoppi oqaaseqaateqareersimatinnagu.

24.0. Piumasaqartoqarneratigut Biskoppip KIIIN-imut nalunaassavaa qinnuteqartoq toqqagaq atorfinitsinneqarnissamut piumasaqaatitut uppersarneqassanersoq, tak. Inatsisartut inatsisaanni nr. 8, 30.10.1998-imeersumi, § 4.

25.0. Suliamik suliarinninneq naammassineqareerpat aalajangiineq qinnuteqartumut pineqartumut kiisalu provsteqarfimmi ilagiit sinniisaannut nalunaarutigineqassaaq.

25.1. Qinnuteqartut sinneri tamatuma kingorna immikkuutaarlutik toqqannartumik allakkatigut nalunaarfigineqassapput qinnuteqaataat qanoq inerneqarsimanersoq.

/Sofie Petersen
Biskop

/24. Oktober 2009